

Broj: 312/24
Sarajevo, 12.12.2024.

Na osnovu člana 34. Statuta Udruženja/Udruge preduzeća/poduzeća komunalne privrede/gospodarstva u Federaciji Bosne i Hercegovine, a na prijedlog Upravnog i Nadzornog odbora UPKP u FBiH, Skupština je na XXIII sjednici Skupštine, održanoj 12.12.2024. godine u Sarajevu, donijela

ODLUKU O UTVRĐIVANJU KRITERIJA ZA IMENOVANJE ČLANOVA ORGANA UPKP U FBiH

Član 1.

Utvrđuju se kriteriji za predlaganje, izbor i imenovanje predsjednika i zamjenika predsjednika Skupštine, predsjednika i zamjenika predsjednika Upravnog odbora, te predsjednika i zamjenika predsjednika Nadzornog odbora, kao i ostalih članova Organa UPKP u FBiH, a na prijedlog Upravnog odbora UPKP u FBiH, koji je na 180. sjednici održanoj 12.12.2024. godine u Sarajevu donio Odluku o prijedlogu kriterija za imenovanje članova organa UPKP u FBiH.

Član 2.

Kriteriji za predlaganje, izbor i imenovanje članova Organa UPKP u FBiH:

Na pozicije predsjednika i zamjenika predsjednika Skupštine, Upravnog i Nadzornog odbora i ostalih članova Organa, trebaju biti izabrana lica koja imaju najmanje 5 godina iskustva u komunalnom sektoru i koja su se istakla po stručnosti u komunalnom sektoru, te da imaju i zapažene rezultate u ovoj oblasti.

Prilikom izbora se mora obezbijediti što ravnomjernija:

- zastupljenost po osnovu djelatnosti,
- regionalna zastupljenost,
- nacionalna zastupljenost,
- spolna zastupljenost,

Kao i:

- blagovremeno izmirivanje obaveza po osnovu članarine,
- da se pridržavaju Statutom utvrđenih prava i obaveza članova.

Mandat predsjednika i zamjenika predsjednika Skupštine, Upravnog i Nadzornog odbora traje 4 godine od dana održavanja Izborne skupštine, a najkasnije do prve sljedeće Izborne Skupštine i mogu se birati na tu funkciju ponovo.

Član 3.

Na osnovu kriterija iz člana 2 izvršen je izbor i imenovanje u Organe UPKP u FBiH.

Član 4.

Odluka stupa na snagu danom donošenja.

PREDSJEDNIK SKUPŠTINE UPKP U FBiH
Matija Lučić, dipl.ing.s.r.